

# Correspondance

## François Jouveau - Frédéric Mistral

1890

A Moussu Frederi MISTRAL

(Remembranço)

I'a 'no vinteno d'an que venguère pèr la proumiero fes à Maiano. Ié venguère pèr faire dansa vòsti galànti chato, e aguère l'ounour de vous èstre presenta pèr un de nòsti bons ami, lou brave Marius Lilamand. Ere jouine; n'ère jamai sourti de moun trau, e, vous lou dirai francamen, me doutave pas alor qu'eirias... ço que n'ai pas besoun de dire e ço que tout lou mounde saup. Quau m'aurié di aquéu jour que vous destoubèrè de voste travai, que vint an plus tard sarié iéu qu'announciariéu i felibre acampa encò de Canac, au Clapas, que *Lou Tresor dóu Felibrige* avié gagna la joio de 10.000 franc à l'Estitut de Franço? Quau m'aurié di qu'un jour musiquejariéu lou *Baile Sufren*, ço que me vauquè lou lé pres au Councours Musicau di felibre de Paris, en 1884? Quau m'aurié di subretout que vint an plus tard sariéu felibre, di bèn pichot, es vrai, e que m'assetariéu emé vous à la memo taulo, e béuriéu à la memo Coupo? Tambèn, noun pode vous dire lou plesi que m'a fa de vous revèire e de vous sarra la man, lou bèu jour de Pandecousto, dins li prado en flour de la Galharado, à Mountpelié. Que dins vint an d'eici posque vous vèire encaro, urous e plein de vido, e vous remembra forço causo pèr la glòri de nosto bello Prouvènço, pèr lou triounfle dóu Felibrige e l'ounour de Maiano!

F Jouveau

Ceto, lou 21 de Jun, 1890.

---

François Jouveau, frère d'Elzéar, né à Caumont en 1848. Clarinette-solo aux Casinos ou théâtres de Cauterets, de Bordeaux et de Sète. Professeur au Conservatoire et au Collège de Sète. Chef d'orchestre.

Poète et compositeur français et provençal. Collaborateur de *l'Armanac Cetòri*, *du Cacho-Fiò* et de *l'Armana prouvençau*. Lauréat de nombreux concours et Jeux floraux du Félibrige. Mort subitement à Alger, à 59 ans, le 8 avril 1908. *L'Armanac Cetòri illustrat* de 1909 lui a consacré ses premières pages, avec un beau portrait.

© CIEL d'Oc – Avoust 2007